



Broj: 04-14-1-1732 /19
Datum, 12.06.2019. godine

Na osnovu člana 17. stav (1), člana 18. stav (1), člana 21. stav (1) tačka d) Zakona o javnim nabavkama („Službeni glasnik BiH“, broj: 39/14) i člana 38. Statuta općine Sanski Most ("Službeni glasnik općine Sanski Most", broj:04/08, 05/08, 05/09, 02/10 i 09/11), Općinski načelnik d o n o s i

POSEBNU ODLUKU **o pokretanju postupka javne nabavke**

- 1. Pokreće se** postupak javne nabavke u predmetu: Provođenje hitnih vanrednih mjera dezinfekcije na području općine Sanski Most.
- Procijenjena ugovorna vrijednost planirane nabavke, bez uključenih indirektnih poreza, iznosi 34.188,00 KM (slovima: tridesetčetirihiljadestotinuosamdesetosam i 00/100 KM), odnosno iznosi 40.000,00 KM sa PDV-om (slovima: četrdesethiljada i 00/100 KM).
- Vrsta postupka za dodjelu predmetnog ugovora je pregovarački postupak, bez objavljivanja obavještenja o nabavci, JRJN 90670000-4 – Usluge dezinfekcije i uništavanja štetočina u gradskim i seoskim područjima.
Predmetna nabavka nije uvrštena u Plan javnih nabavki Općine Sanski Most u 2019. godini, s obzirom da se radi o vanrednim i hitnim intervencijama za saniranje posljedica poplava po zdravlje stanovništva i ista će se realizovati putem gore navedenog postupka.
- Sredstva za realizaciju nabavke iz člana 1. ove Odluke obezbjeđena su u Budžetu Općine Sanski Most za tekuću godinu, ekonomski kod:613327 i 614241.
- Ova Odluka stupa na snagu danom donošenja.

O b r a z l o ž e n j e

Općinu Sanski Most su u maju 2019. godine zadesile poplave, pri čemu je nastao veliki broj poplavljenih i zaplavljenih privatnih i javnih površina i objekata, te je proglašeno stanje prirodne nepogode. Nakon povlačenja vode Općinskom načelniku su se obratile nadležne službe dopisima kojima se traži provođenje vanrednih protivepidemijskih mjera u cilju sprječavanja nastanka zaraznih bolesti stanovništva.

Općinska služba za inspeksijske poslove, dopisom, broj: 01-44-1713/19 od 12.06.2019. godine, predlaže provođenje vanrednih mjera dezinskecije na cijeloj teritoriji općine Sanski Most, iz razloga pojave velikog broja insekata na području koja su ugrožena poplavama a koji mogu predstavljati opasnost po zdravlje i život ljudi. U dopisu Odsjeka za civilnu zaštitu, broj: 04-14-1-1728/19 od 12.06.2019. godine, navodi se da je nakon pojave poplava na području općine Sanski Most u periodu od 13.05.do 20.05.2019. godine, kada je bilo proglašeno stanje prirodne nesreće-

poplava, od strane građana prijavljena je pojava neuobičajeno velikog broja insekata, te s obzirom na ugroženu higijensko-epidemiološku situaciju i zdravlje stanovništva, predlažu hitno provođenje vanredne dezinskecije, na svim područjima zahvaćenim poplavom. Dodatno, Dom zdravlja Sanski Most, obratio se dopisom broj:01-44-1715/19 od 11.06.2019. godine sa zahtjevom za hitno provođenje preventivne dezinskecije insekata (komaraca) na području općine Sanski Most pozivajući se na članove 10. i 23. Zakona o zaštiti od zaraznih bolesti ("Službene novine F BiH", broj: 29/05).

JP "Veterinarska stanica" d.o.o. Sanski Most koja je nakon majskih poplava vršila dezinfekciju svih naseljenih mjesta koja su bila pogođena poplavom, svojim dopisom broj: RN-04-290/19 od 11.06.2019. godine traži da se zbog pojave velikog broja insekata-komaraca izvrši dezinskecija na poplavljenim područjima.

Takođe, dopise Općinskom načelniku sa zahtjevom za provođenje dezinskecije, uputile su slijedeće MZ-e općine Sanski Most: Lušci Palanka, Hrustovo, Donji i Gornji Kamengrad, Husimovci, Demiševci, Lijeva i Desna obala, Pobriježje, Zdena i Čaplje.

Imajući u vidu navedeno, Općinski načelnik donio je Odluku da se u skladu sa članom 21. stav 1. tačka d) Zakona o javnim nabavka BiH provede pregovarački postupak, bez objave obavještenja o nabavci za pružanje predmetnih usluga.

Dostaviti:

- 1.Službi 09
- 2.Službi 07
- 3.Službi 04
- 4.a/a



OPĆINSKI NAČELNIK

[Signature]
Faris Hasanbegović, prof.